



**Eminentissimi Ac Reverendissimi Domini, D. Joannis
Baptistæ, Cardinalis De Luca, Theatrum Veritatis Et
Justitiae, Sive Decisivi Discursus**

Ad Veritatem Editi In Forensibus Controversiis, Canonicis & Civilibus, in
quibus in Urbe Advocatus, pro una partium scripsit, vel Consultus
respondit ; Cum Indicibus Argumentorum, Causarum ac Rerum
luculentissimis. Opus Tam Judicibus, Quam Causarum Patronis, atque
omnibus in utroque Foro ...

Pars I. De judiciis & judicialibus. Hoc est de Sententia & re judicata,
Executione, Attentatis, Judice, Notario, Advocatis, Procuratoribus,
Expensis, & aliis ad materiam judiciorum. Pars II. Relatio Romanæ Curiæ
forensis, ejusque Tribunalium, & Congregationum

**Luca, Giovanni Battista de
Coloniae Agrippinae, 1691**

XXVIII. De Congregatione Baronum, & Montium, ac etiam Computorum.

[urn:nbn:de:hbz:466:1-74090](https://nbn-resolving.de/urn:nbn:de:hbz:466:1-74090)

DISCURSUS XXVIII.

77

in Tribunalibus ordinariis more aliarum privatarum forensium questionum, ut in materia servitutum advertitur, ubi de quampluribus causis concernentibus hanc materiam aquarum, *tit. de servitut. disc. 5. 2. cum seqq.*

Idemque dici potest de aliquibus aliis Congregationibus extraordinariis, vel ordinariis ignotis, quæ habeantur pro eodē regime temporali, unde propter ea parum imò nihil refert, eas diligenter inquirere vel referre, præsertim quia huius relationis finis vel effectus est, instruere forenses, quibus in Romana Curia contingat, causas peragere, usciat earum proprias ac meliores vias, & ne à malis caudicis, vel negotiorum gestatoribus decipiatur; Ideoque dictas Congregationes, illaque Tribunalia refert examinare, in quibus negotia forensia, vel respectivæ gratiosa agantur.

7 Ad eft quoque quædam alia Congregatio, quæ Confinium dicitur, constituta ex uno Cardinali, & ex Thesaurario generali, & Advocato, & Commissario Camerae, cum mixtura aliquorum Praëlatorum, pro Papa arbitrio, pro decidendis illis controversiis, quæ inter Communitates, vel Barones oriri solent super confinibus territoriorum; Niñium autem raro teneri solet, adeo ut pene ignota pariter videatur; Ea tamen speciem judicialis, & contentioſi Tribunalis habere videtur, disputando formiter cum Advocatis, & Procuratoribus in contraditorio, & cum compilatione processus, super probationibus hinc inde in illis controversiis, (licet raro) super ista confinium materia cadunt, ut quandoque practicavi.

8 Ad eft etiam quædam Congregatio super reformatione Tribunalium, & omni ævo Pontifices facere confluverunt; Ac præsertim, ultra antiquiores Constitutiones Alexandri VI, & aliorum, habemus recentiores Pii IV. & Pauli V. cum quibus Tribunalia reguntur; Sed quamvis plurim anorum spatio de hac reformatione actum sit, & agatur, nihil tamen hoc usque conclusum est.

DISCURSUS XXVIII.

De Congregationibus Baronum, & Montium, ac etiam Computorum.

S U M M A R I U M.

1 *Congregationes Montium, & Baronum sunt diversæ, sed tractantur unitæ.*

2 *Ex quibus constituantur.*

3 *An Auditor Thesaurarii habeat votum.*

4 *De Congregatione Baronum, & quale sit eius munus, & de quibus cognoscatur, & ubi tractetur de eius materia.*

5 *De Congregatione Montium, & de quibus cognoscatur, & ubi tractetur de eius materia.*

6 *De eidem disputationibus Congregationis Baronum.*

7 *Qua die teneantur.*

8 *De Congregatione computorum.*

9 *Ad quem ab ipsis Congregationibus appellatur.*

Congregatio Baronum, & Montium; Quamvis omnino diversæ sint, diverso tempore instituta, diversaque agant negotia; Attamen ad instar cardinalitarum Congregationum, Episcoporum, & Regularium, pro unica vulgo haberi videntur, eo quia ex eisdem personis constitutæ sunt, eademque die, ac in eodem loco habentur, atque utriusque materia negotia audiuntur, & deciduntur.

Constituuntur etenim ex Thesaurario generali, qui est utriusque caput, seu Prefectus, & in cuius domo fiunt, nec non ex aliquo numero vario (pro Papæ arbitrio) Clericorum Camerae, & ex Audire Thesaurarii, de quo sub Judice lis est, an habeat votum decisivum vel consultivum tantum; Curialibus peritis in diversas abeuntibus sententias, super retracti temporis praxi, Recens autem, & actualis præse ferre potius videatur, ut habeat quoq; votum decisivum, quod cum aliis numerandum sit, pro resolutione capienda.

Cum autem de Congregatione Baronum, ereta pro exequitione, & observantia Constitutionis Clementis VIII, contra Barones, ut ad propria, vel eorum majorum debita dissolvenda cogantur, fideicommissis, & investiturebus, alisque iuribus propriis non obstantibus, & quæ Constitutio, vulgo Bulla Baronum appellatur, particulariter ac plenè actum sit sub materia feudalí; Idcirco ibi de eius Instituto, & praxi, ac de questionibus cadentibus super eisdem Bullæ interpretatione, facile est videre, ne adeo longa superflua repetitio fiat eorum, quæ jam dicta sunt, ac promptè in dicta sede habentur, sub *tit. de feud. disc. 7. 2. & seqq.*

Quo vero ad alteram Congregationem Montium, pro ipsorum reductione, ac natura, & privilegiis pro libertate, seu commercio, pariter actum habetur in sede Regalium, quoniam cum sint jura cum Principe, inter Regalia merito recensentur, *tit. de Regal. disc. 2. 3. & seqq.* Verum quia eorum rector seu curator est Thesaurarius generalis, sine cuius licentia, in judiciali, vel conventionali commercio, ac distractione vel translatione de persona ad personam, non sunt; Idcirco super eorum translatione vel pertinentia, aut super creditorum cursu, & prælatione, sive super vinculorum deletione, vel respectivæ appositione, frequentes in Curia audiuntur forenses controversiae, quæ in forma judiciali, per ipsum Thesaurarium, vel eius Auditorem, examinantur, ac deciduntur; Verum aliquando, ubi agatur de casibus valde dubiis seu exemplaribus, ipse Thesaurarius exquirere solet votum Congregationis, in qua proinde cum Advocatis & Procuratoribus, puncti in quaestione cadentes, disputantur in forma contentioſi Tribunalis; Atque in ipsis Congregationibus habetur idem usus contraditorio, qui habetur in Tribunalis Auditoris Camerae, & in quibusdam aliis inferioribus Tribunalibus, vel coram Judicibus particularibus, seu Commissariis, non autem in Sacris Congregationibus, vel in primariis collegiatis Tribunalibus, utriusque Signature ac Rotæ & Camere.

Frequentiores autem disputationes cadunt super negotiis pertinentibus ad dictam Bullam Baronum; Tam occasione plurium questionum, que contingunt super eius interpretatione, ut supra; Quam etiam super avocationibus pecuniarum, quæ creditoribus primò venientibus, ex pretio castorum, & bonorum Baronum ab eadem Congratio.

gatione soluta sunt, cum solita cautione de restituendo prioribus & posterioribus; Ideoque ista Congregatio, quamvis more aliarum cardinalitiarum, summarie, simpliciter, & de facto, more Principis potius quam Judicis procedat, absque necessitate servandi telam seu ordinem judiciarium, cui judices subjacent *codem in de feud. disc. 95.* Attamen speciem Tribunalis contentiosi, & judicialis praesertim videtur cum proprium, ac particularē habet Notarium, ac sententias proferat, seu causas in forma judiciaria disputet, ut latius in dicta sua peculiari sede.

Non habet autem diem certam ac determinatam, sed arbitrio Thesaurario pro negotiorum urgencia convocari solet; Pro ordinaria vero seu frequentiori praxi habetur in die Martis.

Coram eodem Thesaurario, & in eius domo alia pro negotiorum contingentia, haberi solet summaudiaria Congregatio, pariter constituta ex aliquibus Camera Clericis, & ex praefatis Advocato & Commissario Camerae, nec non ex duobus eiusdem Camerae ratiocinatibus, qui vulgo Computistæ nuncupantur; Non tamen in ea intervenit praefatus Thesaurarii Auditor; Atque ad instar praefatarum aliarum Congregationum Montium, & Baronum in forma contentiosa, & contradictionis cum Advocatis, & Procuratoribus disputantur puncti, seu quæstiones cadentes in revisione ac solidatione computorum inter ministros camerales, & appaltatores sive administratores dohanarum, & gabellarum, aliorumque jurium, & appaltuum camerallium, super aliquibus partitis dari vel accepti; Frequentius vero super defalchis vel remissionibus, aut refectionibus, quæ pro appaltatorum stylo protendi solet; Sive super rationibus, quas reddunt Nuntii, & Collectores Apostolici, ac etiam ipsem Thesaurarius generalis, sive Depositarius generalis Camerae, juxta plures quæstiones, quæ habentur in regalium vel jurisdictionalium fedibus, sub tit. de Regal. & tit. de jurisd. plures.

Ab huiusvero Congregationis computorum resolutionibus appellations interponuntur ad Cameram, tanquam à sententis vel decretis Thesaurarii judicis prima instantia, adeo ut ad instar enunciata Congregationis Montium, Congregatio personam Atestoris vel Consuloris Thesaurarii illa gerere videatur; Hæc autem appellatio non datur à resolutionibus Congregationis Baronum, adversus quas alter non superest recursus, nisi ad Signaturam Papæ, seu Gratia.

DISCURSUS XXIX.

De Congregatione Visitationis Carcerorum.

SUMMARIUM.

- 1 *De visitatione generali, quæ gratiosa dicitur carcerum, quando fuerit.*
- 2 *Quinam interveniant in visitatione carcerum Gubernatoris.*
- 3 *Et qui in illa carcerum Capitolii.*
- 4 *Quod agatur in hac visitatione quoad carceratos criminales.*

- 5 *De charitate erga debitores carceratos, & de eiusdem charitaris abusu.*
- 6 *De visitatione ordinaria, & continua in qualibet hebdomada.*
- 7 *De inconvenientibus, quæ resultant in popularibus ob securitatem, quæ illis datur à privata punitione.*
- 8 *Quod expediret punire in corpore aliquos debitores decotios, & aliquando etiam aliquos creditores fraudulentos.*
- 9 *De alimentis quæ per creditorem praestanda sunt debitori carcerato.*
- 10 *Quid in Hebreis.*
- 11 *De aliis ad materiam pertinentibus remissive.*

Bis in anno, imminentibus solemnitatibus, Nativitatis, & Resurrectionis Domini Nostri JESU Christi, habetur visitatio generalis, quæ Gratiosa dicitur; illorum carcerum magis generalium, quæ esse solent communis omnibus Tribunalibus, sed pro majori contingentia dicuntur Gubernatoris; ac priusquam fieret transportatio ad locum, in quo nunc extant in via Julia, compi, cuo ædificio constructo de mandato Innocentii X. dicebantur Turris nova, sub cuius vocabulo apud antiquiores Criminaliftas, vel Practicos corum mentio habetur; Ac etiam aliorum carcerum existentium in Capitolio; Atque in ipsis Congregationibus generalibus gratiosis; quatenus pertinet ad dictos carceres magis communis & generales Gubernatoris, in quibus detineri solent illi, qui pro causis criminalibus, vel civilibus carcerantur de mandato Auditoris Camerae, aliorumque Judicium, & Tribunalium, interveniunt, istam Congregationem constituentes; Gubernator Urbis; Auditor Camerae, juxta distinctionem officiorum, quæ praefato Tribunalis Camerae incumbunt, ut inferius de ipso agendo advertitur; *infra disc. 33.* Nec non Advocatus fisci, & procurator generalis fiscalis; Duo ex Locum tenentibus criminalibus Gubernatoris, Locum tenens Criminalis Auditoris Camerae; Advocatus Pauperum; & duo Procuratores pauperum, unus scilicet deputatus à Papa, & alter à Congregatione Charitatis; Visitator carcerum secretorum; Commissarius remigum; Locutemens criminalis Vicarii; Ac etiam interveniunt duo Prælati, qui sunt Præfetti duarum piarum Congregationum, quæ vacanti huic pio operi protectionis, ac subventionis, & liberationis carcerorum, Congregationis scilicet, quæ dicitur charitatis; & alterius, quæ dicitur Pietatis carcerorum; Cumque munus Procuratoris pauperum ex nimia charitate plurium annorum spatio exercuisset *Scannarola*; Auctor operis, cuius titulus est de visitatione carcerorum, isque ad Episcopatum Sydonensem in partibus, aliaque majora curiæ munia promotus fuisset; Adhuc tamen, ex nimia charitate eo id efflagitante, donec vixit; ex Pontificis mandato, in his Congregationibus, quinimò in visitatione currenti, seu ordinaria cuiuslibet hebdomadae interveniebat, atque in dicto munere Procuratoris pauperum deputari curavit cius alumnum *Zuffum* auctorem operis de legitimat. process. qui sui magistri in charitate, & diligentia imitator fuit.

In